

PORTU BOTIS

SITU DE INTERESSU COMUNITÀRIU (SIC)

SU SITU DE INTERESSU COMUNITÀRIU (SIC) DE PORTU BOTIS S'INCARAT IN SU GROFU DE PRAMAS E IN S'ISULA DE SANT'ANTIOGU, E EST LONGU 1200 ÈTARUS INTRA IS TERRITÒRIUS DE GIBA, SANTU GIUANNI SUÈRGIU E MASAINAS. EST ZONA SIC CUNFORMAS A SA DIRETIVA 92/43/CEE DE SU 21/05/1992 CHI TENIT SA PUNNA DE AMPARAI S'HABITAT NATURALI E SA BIODIVERSIDADI DE SU LOGU.



DDOI AGATAUS BAIAS PAGU FUNGUDAS, CAMPURAS DE POSEIDÒNIAS, LURTZINAS COSTERAS, STEPAS SALIDAS, PARDUS MEDITERRÀNEUS E PRE-DESÈRTICUS, MONTIXEDDUS DE ARENAS, VEGETATZIONI A SALICÒRNIA E ÀTERAS GENIAS DE PRANTAS TÌPICAS DE IS TRETUS LUDROSUS E ARENOSUS. NC'AT GENIAS MEDA DE ANIMALIS CHI FAINT DE CUSTA ZONA UNA DE IS PRUS DE IMPORTU DE S'ECOSISTEMA DE SARDIGNA. ND'ANT MARCAU 85: 77 SPÈCIAS DE PILLONIS, 6 DE RÈTILIS, 1 ANFÌBIU E 1 PISCI.



GRÀTZIAS A CUST'AMBIENTI DIVERSIFICAU MEDA, IS PILLONIS MIGRATORIS AGATANT SU LOGU ADATU PO FAI SU NIU E SI PASIAI. SU LOGU EST BELLU PURU PO IS AMANTIOSUS DE IS SPORT A S'ÀRIA ABERTA CHE SU KITESURF, E RAPRESENTAT UN'OPORTUNIDADI PO FAI TURISMU SUSTENÌBILI. ND'APROLIANT SPORTIVUS DE TOTU SU MUNDU PRÒPIU PO FAI KITESURF, MA EST LOGU PRETZIAU PURU PO IS PASSILLADAS, IS ESSIDAS A CUADDU, A BICICRETA E SU BIRDWATCHING.









MÀGINI LIADA DE
[HTTPS://KITEHOUSESSARDINIA.COM/IT/KITESURF/PORTO-BOTTE/](https://kitehousesardinia.com/it/kitesurf/porto-botte/)



MÀGINI DE CLAUDIO KALB



ARRÈGULAS E PROIBIDURAS

- NO ALLUI FOGUS 
- LASSAI SU LOGU PULLIU E CHENA DE ÀLIGA 
- EST PROIBIU A FAI CAMPÈGIU 
- TOCAT A ARRISPETAI SU SILÈNTZIU E SA FÀUNA 
- EST PROIBIU A NDI TIRAI FRORIS O ERBA E ARRAMPUS 
- CHI ESSIS CUN SU CANI, TENI-DDU ACAPIAU E NO ANDIST IN LOGUS AUNDI NO FAIT A NCI INTRAI 
- NO INTRIS IN PADENTIS O IN PARDUS CUN MÀCHINAS O MOTOCICRETAS 